

BOSNA I HERCEGOVINA  
Agencija za razvoj visokog  
obrazovanja i osiguranje  
kvaliteta/kvalitete  
Banja Luka  
Agency for Development of Higher Education and Quality Assurance



БОСНА И ХЕРЦЕГОВИНА  
Агенција за развој високог  
образовања и обезбјеђивање  
квалитета  
Бања Лука

01/a-50-1

23.12.2011  
*[Signature]*

Broj: ZD 06-02-1-790/11

Datum: 14. 12. 2011. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:	23.12.2011		
Organizaciona jedinica	Klasifikaciona oznaka	Redni broj	Broj prijave
01-50-1-15	-15	-13	11

PARLAMENTARNA SKUPŠTINA BIH  
ZASTUPNIČKI DOM/PREDSTAVNIČKI DOM  
SARAJEVO  
Trg BiH 1.

**PREDMET: Odgovor na poslaničko pitanje, dostavlja se**  
**Veza: vaš akt broj: 01/a-50-1-15-13/11 od 15.11. 2011.**

U vezi vašeg akta, broj i datum veze, dostavljamo odgovor na poslaničko pitanje poslanice **Azre Hadžiahmetović**, postavljeno na 13. sjednici Predstavničkog doma Parlamentarne skupštine Bosne i Hercegovine, održanoj 10. novembra 2011. godine.

**Pitanje:**

**„Zašto nije ispoštovan rok za prvu akreditaciju i šta su u tom smislu propusti Agencije, propusti nadležnih obrazovnih vlasti i propusti visokoškolskih ustanova?“**

**Odgovor:**

1. U poglavlju 5. Okvirnog zakona o visokom obrazovanju u Bosni i Hercegovini, pod nazivom **Prelazni period za akreditaciju i licenciranje**, u članu 61. propisano je da stupanjem na snagu ovog Zakona, sve visokoškolske ustanove od nadležnih organa dobivaju privremenu akreditaciju. Rješenjem o privremenoj akreditaciji se određuje rok u kojem će se obaviti akreditacija svakog pojedinog programa koji se izučava na tim visokoškolskim ustanovama u skladu s kriterijumima, procedurama za akreditaciju, i standardima. U navedenoj odredbi, jasno je određena obaveza svih nadležnih ministarstava obrazovanja da visokoškolskim ustanovama koje su postojale na dan 15.08.2007. godine, izdaju privremenu akreditaciju, a da se akreditacija visokoškolskih ustanova na način propisan članom 49. Okvirnog zakona obavi u periodu od najviše dvije godine od dana stupanja na snagu navedenog Zakona, odnosno, na osnovu Zakona o izmjeni i dopuni Okvirnog zakona o visokom obrazovanju u Bosni i Hercegovini, u periodu od četiri godine, što prema datumu stupanja na snagu Zakona, znači do 15. 08. 2011. godine.

2. Akreditacija visokoškolskih ustanova, odnosno studijskih programa, na način kako je to propisano Okvirnim zakonom o visokom obrazovanju u Bosni i Hercegovini, nije završena.

Postupak akreditacije u smislu člana 49. navedenog Zakona, zavisi od podnošenja zahtjeva za akreditaciju od strane visokoškolskih ustanova.

Pored visokoškolskih ustanova, a u zavisnosti gdje je sjedište visokoškolske ustanove, učesnici u postupku akreditacije su:

- **Nadležno obrazovno tijelo;**
- **Agencija za razvoj visokog obrazovanja i obezbjeđivanje kvaliteta;**
- **Komisija domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa.**

Prema odredbama kantonalnih zakona o visokom obrazovanju, Zakona o visokom obrazovanju Republike Srpske i Zakona o visokom obrazovanju Brčko Distrikta BiH, zahtjev za akreditaciju se podnosi nadležnim organima kantona, Republike Srpske i nadležnom odjeljenju Brčko Distrikta BiH. Po prijemu zahtjeva visokoškolske ustanove za akreditaciju, i utvrđivanja osnovanosti i urednosti takvog zahtjeva, navedeni nadležni organi na osnovu člana 49. alineja 4. Okvirnog zakona o visokom obrazovanju u BiH, dostavljaju Agenciji prijedlog za imenovanje Komisije stručnjaka za ocjenu i reviziju kvaliteta određene visokoškolske ustanove, odnosno studijskog programa. Agencija imenuje Komisiju stručnjaka na osnovu prijedloga uz prethodnu provjeru da li se predloženi članovi Komisije nalaze na utvrđenoj listi stručnjaka. Na osnovu mišljenja Komisije stručnjaka koje vrše ocjenjivanje i reviziju kvaliteta visokoškolske ustanove, odnosno svakog studijskog programa koji se izučava na visokoškolskoj ustanovi, Agencija za razvoj visokog obrazovanja i obezbjeđivanje kvaliteta BiH, daje preporuku o akreditaciji visokoškolske ustanove koja se dostavlja navedenim obrazovnim organima koji donose rješenje o akreditaciji. U daljem postupku, nadležni obrazovni organi Agenciji dostavljaju rješenje o akreditaciji radi upisa visokoškolske ustanove u Državni registar akreditovanih visokoškolskih ustanova u Bosni i Hercegovini koji vodi Agencija na osnovu člana 49. alineja 8. Okvirnog zakona o visokom obrazovanju u Bosni i Hercegovini.

Prije upisa u navedeni Državni registar, Agencija vrši ocjenjivanje usklađenosti rješenja o akreditaciji visokoškolske ustanove s kriterijumima za akreditaciju i minimalnim standardima u oblasti visokog obrazovanja.

3. Napominjemo da je Agencija na osnovu člana 48. navedenog Zakona, utvrdila kriterijume za akreditaciju visokoškolskih ustanova u Bosni i Hercegovini (kriterijumi objavljeni u „Službenom glasniku Bosne i hercegovine“ broj 75/10) i minimalne standarde u oblasti visokog obrazovanja u Bosni i Hercegovini (propis dostavljen Službi Parlamentarne Skupštine za objavljivanje).

Posmatrajući sa aspekta izvršenja Okvirnog zakona o visokom obrazovanju u Bosni i Hercegovini, kriterijumi i standardi iz člana 48. Zakona, pored Standarda i smjernica za osiguranje kvaliteta u visokom obrazovanju u BiH, i Preporuka za implementaciju osiguranja kvaliteta u visokom obrazovanju u BiH koji su sastavni dio Odluke o usvajanju dokumenata potrebnih za dalju implementaciju Bolonjskog

procesa u BiH („Službeni glasnik Bosne i Hercegovine“, broj 13/08), čine pravni okvir za akreditaciju visokoškolskih ustanova.

Nadležna kantonalna ministarstva obrazovnja, Agencija za akreditaciju visokoškolskih ustanova Republike Srpske i Odjeljenje za obrazovanje u Vladi Brčko Distikta BiH, svojim pravilnicima, bliže uređuju postupak akreditacije visokoškolskih ustanova.

S poštovanjem,

**Dostaviti:**

1. naslovu
2. Sektor 05 i 06
3. a/a



BOSNA I HERCEGOVINA  
Agencija za razvoj visokog  
obrazovanja i osiguranje  
kvaliteta/kvalitete  
Banja Luka




БОСНА И ХЕРЦЕГОВИНА  
Агенција за развој високог  
образовања и обезбјеђивање  
квалитета  
Бања Лука

01/a-50-1  
02-2012

Agency for Development of Higher Education and Quality Assurance

BROJ: ZD 06-1- 02-1 – 790- 2/12  
DATUM: 16. 02. 2012. godine



PARLAMENTARNA SKUPŠTINA BIH  
ZASTUPNČKI DOM/PREDSTAVNIČKI DOM  
SARAJEVO  
Trg BiH BR. 1

**PREDMET:** Odgovor na poslaničko pitanje, dostavlja se

**VEZA:** vaš akt broj: 01/a -50-1-15-19/12 od 25. 01. 2012. godine

U vezi vašeg akta, broj i datum veze, dostavljamo odgovor na poslaničko pitanje poslanice Azre Hadžiahmetović, postavljeno na 13. sjednici Predstavničkog doma Parlamentarne skupštine BiH, održanoj 10. 11. 2011. godine.

**Pitanje:**

**“Zašto nije ispoštovan rok za prvu akreditaciju i šta su u tom smislu propusti Agencije, propusti nadležnih obrazovnih vlasti i propusti visokoškolskih ustanova?”**

Odgovor na postavljeno pitanje dostavili smo našim aktom ZD 06-02-1-790-17/12 od 14. 12. 2011. godine, a kako je tražena dopuna odgovora, isti dostavljamo kako se navodi.

**Odgovor:**

Kako smo naveli u odgovoru na postavljeno poslaničko pitanje, Agencija za razvoj visokog obrazovanja i obezbjeđivanje kvaliteta je samo jedan od učesnika u oblasti akreditacije visokoškolskih ustanova u Bosni i Hercegovini. Postupak akreditacije vode nadležni obrazovni organi na osnovu zahtjeva visokoškolskih ustanova. Prvi korak koji preduzima Agencija je imenovanje Komisije stručnjaka koji vrše ocjenjivanje i reviziju kvaliteta visokoškolskih ustanova, odnosno studijskih programa. Komisija se imenuje na osnovu prijedloga nadležnih obrazovnih organa, što znači da aktivnosti Agencije u oblasti akreditacije zavise od nadležnih obrazovnih organa i visokoškolskih ustanova. U predhodnom odgovoru dali smo pregled podzakonskih akata koje je donijela Agencija i koji čine pravni okvir za akreditaciju visokoškolskih ustanova, s tim da nadležni obrazovni organi sam postupak akreditacije uređuju svojim pravilnicima.



Navodimo da je Agencija prema odredbama Okvirnog zakona o visokom obrazovanju u Bosni i Hercegovini ispunila sve obaveze i da je u punom kapacitetu spremna da izvršava obaveze u oblasti akreditacije visokoškolskih ustanova.

S obzirom da Agencija nije nadležna da vrši nadzor nad radom nadležnih obrazovnih organa i visokoškolskih ustanova, nismo u mogućnosti da damo odgovor šta su propusti svih učesnika u procesu akreditacije i zašto nije ispoštovan rok za prvu akreditaciju.

S poštovanjem,

Dostaviti:

1. Naslovu  
2. Sektoru 06  
3. a/a





**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-2327/11  
Sarajevo, 24.2.2012. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO:	27-02-2012		
Organizacioni jedinica	Klasifikacija	Redni broj	Broj priloga
01-50-1-15-13/M			

**PARLAMENTARNA SKUPŠTINA BiH**

*- Zastupnički dom -*

**SARAJEVO**



**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na zastupničko pitanje koje je postavila Azra Hadžiahmetović, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupnici.

S poštovanjem,

**GENERALNI TAJNIK**  
*Zvonimir Kutleša*





**BOSNA I HERCEGOVINA  
VIJEĆE MINISTARA**

Broj: 05-50-1-2327/11  
Sarajevo, 23.2.2012. godine

Gospođa Azra Hadžiahmetović, poslanica Predstavničkog doma Parlamentarne skupštine Bosne i Hercegovine, na 13. sjednici Predstavničkog doma održanoj 10.11.2011. godine postavila je sljedeće poslaničko pitanje:

„Hoće li državni organi priznavati visokoškolske diplome koje su stečene nakon 15. avgusta ove godine, odnosno kako se planira izvršiti član 54. Okvirnog zakona o visokom obrazovanju u BiH?“

Na postavljeno pitanje, Vijeće ministara Bosne i Hercegovine je na 2. sjednici održanoj 23.2.2012. godine, utvrdilo sljedeći

**ODGOVOR**

Prvi stav člana 54. Okvirnog zakona o visokom obrazovanju u BiH („Službeni glasnik BiH“ br. 59/07 i 59/09) glasi :“Nadležni državni organi, te drugi organi i organizacije u Bosni i Hercegovini će,u svrhu zaposlenja ili javne funkcije,priznavati samo one akademske stepene i diplome koje izdaju akreditirane visokoškolske ustanove“.

Kako je zakonski rok za prvu akreditaciju istekao 15.avgusta ove godine,te pošto do danas nije izvršena akreditacija ni jedne visokoškolske ustanove u Bosni i Hercegovini, nadležni državni organi ne bi trebali priznavati visokoškolske diplome stečene nakon 15.08.2011.godine,bilo u svrhu zaposlenja ili obavljanja javne funkcije.

Kao državni organ nadležan za provođenje Okvirnog zakona ,a u cilju izvršenja člana 54.Okvirnog zakona, Ministarstvo civilnih poslova je uputilo dopis Agenciji za državnu službu Bosne i Hercegovine u kojem upozorava na navedene činjenice.

Ohrabruje informacija koju smo dobili od Agencije za razvoj visokog obrazovanja i osiguranje kvaliteta da je jedan javni univerzitet već podnio zahtjev za akreditaciju ,a da su svi ostali javni i neki privatni univerziteti pripremili, ili su pri kraju pripreme ,samoevaluacijskih izvještaja,koji predstavljaju prvi korak u procesu akreditacije.